

2013 Hope Bay-ngani Kiklikhangani Naunaiyainiq Ukiumi Naittuq

Una naunaiyainiq piliurhimayuq aatjikutariliriamikni piyakhangit Rescan-kut Ihivriurutingit (NRI) Laisinga Nampalik 0405512 N-M Hope Bay-mi Nayugangani.

Hope Bay Uyarakhuiqtii (HBML) qinirhiavaktut goldnik Hope Bay hungayaqtut uyaqqat nayugangani, ittuq Uataani Kitikmeot Nunavunmi. Tamna piqaqtuq pingahunik uyarakhiurillaqhimayut; Doris, Madrid, Boston-lu. Tamna Doris North Havauhikhaq qangannuaq atuquiyuq Doris ilakunginnik.

TMAC Resources Havakvinga (TMAC) piyat Doris North Havauhikhaq HBML-mit Maatsi 2013mi. Niuviqninnga ilaliutihimayuq uyarakhiurniqmik uyaqqaniklu pilaarutingit Hope Bay Kiklikhanganik, unalu Doris North Gold-mik Uyarakhuiervinga tukhiurutingit, laisingit angirutingitlu piliurninnganik piyangit nanminirutigaluanganit.

Niuvrutitinnagu, nungutinnagu 2011, tamna Doris North Havauhikhaq himmiqtauyuq ukununnga Munariniq Ihuarhainiqlu, igluqpiliurniq uyarakhiuqniqlu nutqaqtitauyuq. TMAC angmaffaaqtaat Hope Bay Belt Havauhikhaq munariliqmagu Havauhikhaq ikayuriami uyarakhiurniqmut avatiliriniqmutu pinahuarutingit atuqtamikni avatiliriniqmut tukhiutingit, laisingit angirutingitlu. Kiklinga naunaiyainningit piyat tamaat 2013mi.

2013mi, TMAC pihimmaaqtait kiklikhangani naunaiyainiq talvani, ihumagilluaqhugu Doris, Madrid unalu Boston ilakungit. Ukunanutlu kiklikhangani havaanganut, maniqqami naunaiyaiqtaut ikayuriami angirutikhangit ihariagiayit Doris North Havauhikhaqmut.

Ihumagilluaqtangit uumannga 2013 Kiklikhangani angirutiyumik munariyuq ukuatlu:

- Ihuarhailuni Doris-mi uyarakhiuqvinga inmikkut hilaliqivingit iliuraininngalu mikkait-hilaliqiviit Doris Lake-mi munarigiamiknik tahiup imanga qanuraaluk paniqtuq;
- Munarilugillu aniqhaaqaptiknik qanurittuq atuqluni Partisol-mik haniani anuringanik uuktuumik, unalu nutqangayumik anuringanik uuktuitikhanganik (qablunaatitut naittumik taiyauyuq PASS);
- Munariniq ingilrani qanuraaluktut hakugikninnga unalu ingilrania unalu tahiup imanga qanuraaluktut imalik;
- Munariniq naunaiyaiyuq tahinik unalu naunaiyainiq tariunganik, qanuritaakhaaniklu imanga, qanuritaakhaanik ilakungit unalu imaqmiutat umayut tahuqmi, ingilraninngani, unalu imaqmiutani;
- Munariluni iqalukhiurniqmut qanuraaluktut piyut ukunani Roberts Outflow, Stream E09, uumanilu Windy Lake;
- Nunamilu naunaiyainiq (PRISM nayugangit) maniqqami ivayut tingmiat (qupanuannuat atuqtut, higyariat, aqilgit ukuatlu naittunik hiutilgit uukpiit);
- Tingmiluni pilutik qupanuanuanginniklu naunaiyainiq mitiqnik, atuqtauyamiknik unalu pitjutinginnik munarilugillu kilgaviit pikiutangit ivaviniqmallu piyut; unalu,

- Iliurailuni ungahiktuni ittunik mihigiyut pksaliurutit munarigiami huratjat aturninnga tunngavinganik iliurailunlu/ittuniklu ittunik atuqtauyunik tunngavinganik.

Avatinganik nampangit katitiqhinggaqhimaniaqtut 2014, ihariagikpat, iniqtiriam havaat laisikhanik tukhiutiniklu piyut Doris North Havauhikhanganut angirutinganik pinahuarutinganik.